



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm Vlt. Dilecto.

[urn:nbn:de:hbz:466:1-62559](#)

bent, c. relato, 9. & seqq. causa 10. q. 1. Sin tamen causa postulet, bis visitare potest, sicut de Episcopo habetur in c. cum venerabilis, 21. iun. Gl. ver. bis in anno, imò quoque ipsi videbitur, secundum Trident. sess. 6. c. 4 de reformat. Videri potest Azor tom. 2. lib. 3. c. 40.

CAPITVLVM VII.

Ad hæc.

AD officium Archidiaconi (secundum Ecclesiæ Romanæ consuetudinem) perinet Leuitis, & hypodiaconis imperare ; curam parochiarum gerere ; adeò, vt & Archipresbyteri, qui & Decani appellantur, eius iurisdictioni subsint. Sed ardua, seu maiora negotia ad maiorem se, videlicet Episcopum referre debet. Sed & Clericorum ordinandorum examinatio, atque institutio ad eundem Archidiaconum spectat, ita tamen, ut prius Episcopo præsententur, ab eoque approbentur.

Idemque dicendum de Decanis ruralibus, ab Archidiacono instituendos, amonendosque esse ; sed non sine Episcopi consensu. Nam quod omnes tangit, ab omnibus approbari debet. Decani autem illi rurales subsunt tum Archidiacono, tum etiam Episcopo : Ergo eorum institutio, & destinatio ad utrumque pertinere debet.

Hoc est præcipuum huius tit. c. Sed quia eius materia satis explicata est. c. 1. 4. & 5. hinc nihil adiicio. Legi potest c. 1. d. 24. & c. Legimus, 24. d. 93.

CAPITVLUM VIII.

Significasti.

PARAPHRASIS.

Archidiaconus sine consensu Episcopi literas dimissorias dare non potest. Sed neque Clerici freti talibus literis absque Episcopi licentia datis ordines accipere possunt: alioquin ab executione ordinum

prohiberi possunt. Ratio responsi est: quia per literas dimissorias derogatur iuri Episcopali, quod habet ad ordinandos Clericos sibi subiectos : Ergo præter eius consensum dimissoriæ dari non possunt. Quæ ipsa causa est, cur vacante Sede, Capitulum dimissorias concedere non possit. Quia iura Episcopalia succelsori reseruare debet.

SUMMARIUM.

Dimissoria sine consensu Episcopi ab Archidiacono vel Vicario Generali data, pro non datis haberi debent.

NO TANDVM Vn. Si dimissoriæ sine consensu Episcopi ab Archidiacono, vel Vicario Generali datae sint, pro non datis haberi debent : ita vt poenæ & inhabilitates incurvantur, de quibus dixi in c. 2. de temp. Ordinat. & in 6. Vtrum vero in absentiâ Episcopi Archidiaconus dimissorias dare possit, ex consuetudine cuiusque Ecclesiæ petendum est, vti Gl. hæc notat ver. literas. Vide quæ dicta sunt in c. 3. de tempore ordinat. in 6.

CAPITVLUM IX.

Vt nostrum.

Spectato communi iure, ad Archidiaconum pertinet, ad Ordines promouendos examinare, & Episcopo præsentare ; Abbes, & Abbatisse instituere.

Intellige hæc cum dependentia ab Episcopo : Quia is curam Ecclesiarum sibi à sacris canonibus & Sede Apostolica commissam à se deponere nec debet, nec potest, vt dixi supra c. cùm satis, 4. hoc tit.

CAPITVLUM X.

Dilecto.

PARAPHRASIS.

Archidiaconus Senonensis querelam detulit ad Honorium III. contra Abbatem,

Cccc &

& Conuentum Monasterij S. Petri Senonensis, quod procurationem annuam sibi ratione visitationis debitam denegaret. Eam causam Papa quibusdam Abbatibus delegavit. Coram his comparvens Archidiaconus petijt, vt, cum Monasterium intra fines Archidiaconatus sui situm sit, Abbas & Monachi suae iurisdictioni, correctioni, & visitationi subiacet, salua sua Regula, & obedientia, quam Abbatii suo debent. Petijt quoque, vt qui in districtu Senonensi existant, (præter ipsum Archiepiscopum & familiarem eius) in prima instantia coram ipso Archidiacono, non coram Officiali dicti Archiepiscopi conueniri debeant.

S V M M A R I V M.

1. *Archidiaconus habet iurisdictionem ordinariam inferiorem, & Episcopali Consistorio subordinatam.*
Vnde ab eo ad Episcopum appellari potest.
2. *Archidiaconus in Monasteria iurisdictionem non habet; licet sita sint intra fines suos, nisi legitimè præscriperit.*

NO T A N D V M I. Si libellus formetur contra Monasterium circa iura eius, tam Abbas, quam Conuentus in eo exprimi debet.

NO T A N D V M II. In quibusdam diœcesisibus Archidiaconus iurisdictionem exercet in clericos & parochias ciuitatis Episcopalis, ac certum districtum adiacenterum. Qui fines Archidiaconatus dicuntur, vt videre est in Augustana Synodo sub Ottone Cardinale & Episcopo, c. 7. Qibasdā verò locis non viuis tantum, sed plures Archidiaconi constituti sunt, qui partes diœcesis veluti regiunculas subiectas sibi habeant, tamquam Vicarij Episcopi ratione dignitatis suæ constituti.

NO T A N D V M III. Archidiaconus habet iurisdictionem ordinariam inferiorem, & Episcopali Consistorio subordinatam. Quare licet causæ iudiciales Clericorum ad ipsum in prima instantia deferendæ sint,

tanquam ordinarium pastorem; tamen ab eo tribunali appellari potest ad Episcopum, seu Officiale eius, argum. c. irrefragabili, 13. §. excessus, de offic. Ordinarij.

Dicit aliquis: Igitur Archidiaconus intentionem suam fundatam habuit, quando ostendit, Monasterium intra fines Archidiaconatus sui situm fuisse: cum ipse, spectato consuetu-
dini iure, omnem euram totius cleri habeat, c. i. c. ad hæc, hoc tit. Cur itaque adactus fuit ad ostendendam iurisdictionis suæ præscriptionem, alioquin à petitione sua repellendus? Respond. cum Innoc. hic. Si Episcopus hanc petitionem seu libellum porrexisset, ostendendo Monasterium intra fines suæ diœceos situm esse, fundatum habuisset intentionem, & in petitorio obnivisset, vt si constat ex causa 18. q. 2. c. si quis Abbas 15. & seq. nisi Monasterium vel p[ro]uilegio, vel præcripta consuetudine exemptionem ostendere posset, c. cum venerabilis, 7. de Religios. domibus. Sed alia ratio est de Archidiacono: Licet enim cura totius cleri ipsi commissa sit, tamen hoc nominem veniunt Religiosi, aut Monasteria, ob Regulam communiter traditam: Quod in materia odiosa, aut præiudicante appellatione Cleri Regulares non comprehendantur.

Est itaque I V Notandum: Archidiaconus in monasteria sita intra fines suos iurisdictionem non habet, nisi eam per diutinam consuetudinem legitimè præscriperit. Sed & ratio est, cur Religiosi Archidiacono subesse non debeant. Quia præter Episcopum, ordinarius eorum Praelatus est Abbas, seu Præpositus Regularis. Igitur consentaneum non est, vt aliud adhuc Ordinarium habeat.

Id porro difficultatem habet, quod Honorius hic respondit: Si appareat, consuetudinem fuisse, vt Archidiaconus, ut antecellentes eius, in Monasterium istud, vel in alia eiusmodi Monasteria iurisdictionem exerceret, in ea saltem iurisdictione, quam erga dictum Monasterium præscriperit, commandum esse. Nam huic responsioni oblat, quod præscriptio non sit extendenda ultra locum vel personas, vt docet Abb. in c. dum locum, a. vlt. de præscript. Fieret autem ex-

tempio

tenso, si ex eo, quod Archidiaconus consue-
tudine diurna iurisdictionem in Monasterio
quædam intra fines Archidiaconatus sita
acquisivisset, inde inferre licet, etiam in hoc
Monasterio, quod eius iurisdictionem for-
te nunquam agnouit, aut admisit, ius ali-
quod competere. Multa hic dicunt Innocen-
tius, & Antonius de Butrio. Breuter respon-
deo: Si Archidiaconus in nouem v. g. Mo-
nasteria Ordinis S. Benedicti intra distri-
ctum suum posita iurisdictionem consue-
tudine diurna comparabit, iuris præsum-
ptionem esse, quod etiam in decimum Mo-

nasterium eiusdem qualitatis, & ister eos-
dem fines iurisdictionem habeat: cum de si-
milibus idem ius céleri debeat, arg. c. cognos-
cimus, 29. q. 2. causa 2. Verum contra hanc
iuris præsumptionem admittitur probatio in
contrarium: si nimis Monasterium illud
decimum ostendat, quod Archidiaconus iuris-
dictionem in ipsis non exercuerit, vel,
etsi voluerit exercere, tamen admissus non
fuerit: hoc casu obstat ipsi non debet,
quod in alia similia Monasteria iurisdi-
ctionem consuetudine comparari, seu præ-
scriperit.

TITVLVS XXIV. DE OFFICIO ARCHIPRES.

BY T E R I.

CAPITVLVM I.

Vt Archipresbyter.

SUMMARIUM.

1. Archipresbyter praest reliquo presby-
teris, si urbanus est, seu Ecclesie Cath-
edralis Decanus.
2. Alii Archipresbyteri sunt, qui Decani &
Vicarii rurales seu foranei vocantur;
hi delegata iurisdictionem, & penitus
dependentem ab Ordinario habent.

AArchipresbyter subest Archidiacono, tanquam vicem Episcopi gerenti. Imperat reliquo presbyteris, quorum veluti
Dux, seu Decanus est; abiente Episcopo
Misericordia celebrat, collectam dicit,
vel alij dicendam mandat. Ita Isidorus His-
palensis relatus in c. 1. d. 25.

Est autem hic sermo de Archipresbytero
ciuitatis, seu ecclesiæ Cathedralis Decano.
2. Præter hunc autem alii sunt presbyteri, seu

Decani rurales, vti Gl. annotauit in c. vlt.
hoc tit. Idemque Vicarij rurales, seu foranei
appellatur in Clem. 2. de rescript. De ijs
coenuniter docent DD. cum Gl. ibid. yer. fo-
raneo, quod habeant iurisdictionem delega-
tam, & omnimodè dependentem ab Ordina-
rio, à quo arbitratu ipsius deponi possint.
Cæterū pluribus Ecclesijs sunt Decani, seu
Vicarij rurales per electionem Capituli ru-
ralis, & ab Episcopo vel Officiali, seu Generali
Vicario confirmantur: Ita ut officium
& iurisdictionem quandam ordinariam ha-
beant subordinatam Episcopali, iuxta do-
ctrinam Innocent. in c. cum ab Ecclesiis, 3.
de offic. Ordinar. Quamobrem nec pri-
uarii seu deponi ab officio possunt, nisi ob
crimen mereantur, sicuti dixi lib. 1. Th. mor.
11. 4. c. 7. n. 20.

CAPITVLVM II.

Ministerium.

AArchipresbyter curam habere debet, vt
Sacerdotes Cardinales, (idest, qui pa-

cccc 2 rochijis